



CHANSON

COMPOSET

Var sujet an Dançou hac an Tennedegou.

Var ton : *Ar Chafe.*

Me ho ped, habitantet, tud a bep qualite
Dont da zelaou eur chanson composet a neve,
A zo grêt gant daou zoudart arruet er c'hontre
En o brassa plijadur, pa oa mad o c'honje.

O tremen bourg o faros, int en em arrêtet
O velet an tyez nevez a oa amàn savet.
Gant an numero trizec pa m'oa ranquet quitât
Ne voa nemet pêrzy a cabanen va zad.

Brêmâ eus ouspén daouzec demeus a d'yez bras
Ornet eus eur bot illio, un anseign hac un taç.
An dud a binvidiguez a fournisso arc'hant
D'o derc'hel en ton huel a da bea patant.

Ne meus netra da lavaret demeus an ostisien,
Ha re a so tud honest hac a zalc'h mad o sen.
Mont a ra un abondanç a dud a galite
Da zy tebiterien boisson gant o zies nevez.

Gomzàn qet an hotelliou, ne fel qet din avanc,
Ar c'hommerç so necesser e pevar c'horn ar Franç.
Lêzomp an tyez nevez en o frosperite,
Ma vo tout peb a hini a drugarez Doue.

Be a zo menagerien ha zalc'h tennou mad,
Da vont da zicour an hostis, alies da chareat,
Da fournis ar materiou evit sevel an ty;
Goude en eur reveno e bugale hac hy.

Pa deu an nos da asten tostât da volargez,
E custum an hostizien prena cartou nevez
Evit ober eur barti d'en em divertissa,
Qercouls da re dimeet ha da re yaouanca.

Ha divar ar triconniou' e ve savet arc'hant
Evit ober ar regal da pehinie e c'hoant.
An hostis, an hostises a yêlo er barti,
Nemet pa vez danger demeus ar gendarmeri.

En eur zal tapisset hac alies sclassen
Evit ar bropriete cazi azioc'h o fenn,
An hostis a remerco e sclassennou coant,
E c'honeo ar bârti, joaus ha triomphant.

Merc'het an amezeguez en coulz ar gouspéro
A chom en hostaliri da c'hoari domino,
Hac an aliessa mercou a baeo ar c'hafe
Hac an effajou lipous ar seurt a blijo dê.

Tostic d'an hostaliri, ma ve eur franquisen,
Vez formet eun dennadec da denna var ar guen.
Ar sonner a vo iveau da sonna eun obaden;
Ar voutail hac ar veren a vo en e guichen.

Peurvuya an danserien ve sujet d'ar sec'het.
Hac e ve guerzet dêze demeus ar guin trinquet.
An hostis a brofito demeus ho tud yaouanc,
Ha c'houi tadou ha mestrou a fournissearc'hant.

Echu an obaden, èru da defalâd,
E teu an dabatieren da gommanç hardiad.
Muyoc'h a ya d'an davarn evit a ya d'ar guer
Quen a vez bet cloch noveur pe ouspen, mar galler.]

Leveret dìn tud ancien petra a c'honeet
Pa vez bet o tud yaouanc d'ar zul en dennec.
P'o pez ezom aneze d'al lun deus ar bere.
Vent carguet a c'hoant cousquet cazi bete creiz de.

Pa vezint bet er gousperou gant moderation,
E ve digen o speret ha tranquil o c'halon.
C'houi a velo aneze ebars en assuranc,
Ha pa eo digant Doue e teu ar brovidanc.

Eur beajour, o tremen, en deveus goulenet
Digant eun den o c'harât er parq gant e guezec,
Leverit dìn, va mignon, pelêc'h e vin loget
Elec'h m'a zo tud honest, ma ne vin quet laeret.

An den mân dre garantez a chommas en e za;
Rêson o c'heus, va mignon, me lavar dec'h brêmâ,
Eur goas coz a zo aze a zalc'h hostaliry,
Ne zeus nemet tud honest o tarempret e zy.

Bea zo hostisezet so muyoc'h exigeant,
A receo mad o mignon ha guelloc'h e arc'hant.
P'o pez grêt eun tam scoden aroc mont da gousquet,
E cresco an anter a ben ma tifunet.

Ha ma teuet da ziferi e pêfot, goaz a ze,
E vo galvet ar vates da c'hout ar virione;
E lavaro de vestrez muyoc'h a dle amàn,
Bet a voa c'hoas peder flac'h o eva digantà.

Ar paour quèz den youanc mân a grav costez e ben.
Me sonje dîn m'oa arc'hant da baea va scoden;
Mes c'houi a rayo eur billet, me zino aneàñ,
Ha pa vo quer heb autrou a deuyo d'o paea.

Cetu amàn da gommanç va montr ha va chaden,
Ha va mezellour godel ha pêvar scoët ouspen.
C'houi a zo eun den a verit, o fêçon a plich dîn;
Ne deus fortun er baros a yêlo queit a c'houi.

Tao dîn gânt gourc'hemennou ar mevier obstinet,
Flêria a ra e c'hinou diyar ar guin trinquet.
Pa erruont en ilis evel tud insolant,
Ne bad den en o c'hichen gant c'hoes ar guin-ardant.

Gant eur chiquennat butun n'o deveus mez abet,
Bosset en corn o guinou epad an ofern-bret,
Suffis a ma c'haï var eur c'hlio nebeut a ma c'hello
Evit caout plaç da granchal ha divoal e vrago.

Deç'h divea, emezi, a voa lavaret din
Ve ar guin hac ar butun a ra boulvers an ty.
Assur òn a guementse, merquet ê var ar roll,
Ne ma quet var an douar hini a blich d'an oll.

Guir eo e souffro an hostis gant ar ravoderrien,
Tud oajet ha dientent, cazi collet o fenn,
A pa vez êt o arc'hant e c'heont en coler
Da gonsoli Lucifer pa erruont er guer.

Er finvezo diveza sioas ne sonjer quet.
Tud a beb condition, deus ar c'haer a disquet,
A lavar eo eur maleur ar c'hoal deot er c'hanton,
Ispicial ar merc'het a voal ompinion.

Clêvetoc'heus alies comz deus ar Mab prodig,
Exempl da veur a hini, da baour ha da pinvidig.
Emàn voa eun den yaouanc, eun den a galite,
Goneet gant ar boesson meur a hini a ve.

Respong a ra an hostis me ne mòn quet guiriec,
Goulen a ràn diouzoc'h petra vez d'o souhet,
Perac dontd'am repreni, tudfoshac imprudent,
Me garre vez dizec'het feunteun ar guin-ardant.

C'houi laca an dishenor en hostaliriou
Betec dont d'en em ganna en quichen hon zreujou.
Mes eo clêvet an eclao a sorti deus o pen ;
Me zo mestr d'am guin-ardant, nan, n'opo quet a gren.

En despet d'am bolontez e roàn portion,
Pa c'houlennet guin-ardant da zêvi o c'halon,
A laca var an douar ar yeot glas da ruia,
Ma vez an tan en o c'hodel ne vouefac'h quet en laza.

Da guenta ar guin-ardant a zo bet invantet
Evit ober remejou deus c'hlenvet ar c'hezec.
Laquat a ra an ardeur hac an bardieguez
Tud terrupl var o memor, n'a n'o pe quet a vez !

En em tennit d'an dançou, duze var ar gommun
E ve tud a bep seurt etat o c'chedal o fortun,
O vusuri o guinou e clasquàn digare,
Pa vez an dud o tansal e troue prezeg anê.

Echu ar passepie, neuse e vint guelet
E vont d'an hostaliri quercouls hac ar voasset,
Commeromp eur voutaillad etrezom da eva,
Pa gommancô an obaden ni a yêlo da guenta.

Heuillet e vez ar fals prophet deus an hostaliri
Da vont da drempa e anchen dirac ar c'hrucisi.
Guir batronet ar pardon hac én a zeus moyen
Gonit induljançou hac heuill ar sonnerrien.

Fiomp en Autorite ha finissomp ar son,
Contemplomp an Aviel, an Imitation,
Doctoret deus an Ilis hanvet Ebestel,
O deus lèzet pepini da roula e quentel.

Me ho ped, tadou ha mestrou hac ive ostisien,
Quelennet ho pugale hac ho servicherien
Da gundai o reglen hervez ar c'hatekis,
An Instructionou fam ilier, *Gloria in excelsis.*

Evit rei sclér da entent, quent evit finissa,
Er bla c'hoec'h ha tri-uguent, goude trivarc'h cant vla,
E bet composet ar recit gant eur speret dister
Guinidic a Plouigneau, n'en dê quet scrifannier.

An neb en deuscomposetar son mân neson jedrougebet,
Retornet en e barros p'en devoa meritet,
Forcet da baea diou vech, e c'ha fachet d'ar guer
Da gomposi e chanson eur soudard voltiger.

FIN.

PROPRIÉTÉ.

E Montroulez, e ty LÉDAN, e traòn ru ar Vur.